



Visoko sudsko i tužilačko vijeće Bosne i Hercegovine
Visoko sudbeno i tužiteljsko vijeće Bosne i Hercegovine
Високи судски и тужилачки савјет Босне и Херцеговине
High Judicial and Prosecutorial Council of Bosnia and Herzegovina



INTERNO

Narativni izvještaj o provedbi Reformskog programa VSTV-a za 2025. godinu

10. mart 2026. godine

Uvod

Nakon što je u februaru 2024. godine usvojen Reformski program VSTV-a za period 2024. – 2026. godinu a u decembru 2024. godine Plan njegove provedbe, Vijeće je zadužilo Radnu grupu za praćenje provedbe reformskih mjera i aktivnosti.

Odjel za evropske integracije i strateško planiranje, koji pruža podršku Radnoj grupi, je na temelju ulaznih informacija nadležnih organizacionih jedinica VSTV-a pripremio drugi narativni izvještaj koji se odnosi na 2025. godinu.

U svrhu pripreme ovog izvještaja korišten je sistem za praćenje provedbe Reformskog programa koji je kreiran uz podršku projekta EU4Justice.

Pregled realizacije u 2025. godini


Izvještaj pored dijela koji sadrži pregled aktivnosti, pratećih elemenata (pokazatelji, zadužene organizacione jedinice, rokovi) i informacija o realizaciji u okviru svake pojedine mjere uključuje i dva grafikona. Prvi prikazuje prosjek ispunjenosti svih pokazatelja realizacije aktivnosti i svih pokazatelja izlaznog rezultata – uticaja u odnosu na broj aktivnosti. Drugi grafikon sadrži dva elementa, od koji se prvi odnosi na status pokazatelja realizacije aktivnosti a drugi na status pokazatelja izlaznog rezultata – uticaja .¹

U cjelini gledano, u odnosu na ukupan broj pokazatelja, koji se odnose na svih 13 mjera, ispunjenost pokazatelja realizacije aktivnosti u toku 2025. godine iznosi 68%. Kad su u pitanju pokazatelji izlaznog rezultata – uticaja, njihova ispunjenost u toku 2025. godine iznosi 36%.

Gledajući po pojedinačnim mjerama, nivo ispunjenosti pokazatelja je kako slijedi:

¹ Status se označava na sljedeći način:

- završeno (svi pokazatelji realizacije aktivnosti odnosno izlaznog rezultata – uticaja označeni sa DA),
- pokrenuto (dio pokazatelja realizacije aktivnosti odnosno izlaznog rezultata – uticaja označen sa DA a dio sa NE),
- nije pokrenuto (svi pokazatelji realizacije aktivnosti odnosno izlaznog rezultata – uticaja označeni sa NE).



0. MJERA (početna mjera)

uključuje 3 aktivnosti, 3 pokazatelja realizacije aktivnosti i 1 pokazatelj izlaznog rezultata – uticaja.

Nivo ispunjenosti oba pokazatelja je 0%, uz napomenu da su planirane aktivnosti provedene ali će vrijednosti oba pokazatelja moći biti iskazane u narednom periodu.

1. MJERA: Unaprijediti mehanizam nadzora nad stepenom realizacije programa rada glavnih tužilaca.

uključuje 4 aktivnosti, 9 pokazatelja realizacije aktivnosti i 4 pokazatelja izlaznog rezultata – uticaja.

Nivo ispunjenosti pokazatelja realizacije aktivnosti je 100% a pokazatelja izlaznog rezultata – uticaja 75%.

2. MJERA: Unaprijediti sistem odgovornosti glavnih tužilaca za efikasan i kvalitetan rad tužilaštava kojima rukovode, s posebnim naglaskom na procesuiranju organizovanog kriminala i korupcije.

uključuje 3 aktivnosti, 8 pokazatelja realizacije aktivnosti i 5 pokazatelja izlaznog rezultata – uticaja.

Nivo ispunjenosti pokazatelja realizacije aktivnosti je 50% a pokazatelja izlaznog rezultata – uticaja 0% s tim da će vrijednost ovog pokazatelja moći biti iskazana u narednom periodu.

3. MJERA: Unaprijediti mehanizam nadzora nad stepenom realizacije programa rada predsjednika sudova.

uključuje 5 aktivnosti, 13 pokazatelja realizacije aktivnosti i 3 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 90% a pokazatelja izlaznog rezultata – uticaja 40%.

4. MJERA: Unaprijediti sistem odgovornosti predsjednika sudova za efikasan i kvalitetan rad sudova kojima rukovode, s posebnim naglaskom na procesuiranju organiziranog kriminala i korupcije.

uključuje 12 aktivnosti, 40 pokazatelja realizacije aktivnosti i 22 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 76% a pokazatelja izlaznog rezultata – uticaja 6%.

5. MJERA: Obezbijediti punu implementaciju novog koncepta rada panela za ujednačavanje sudske prakse.

uključuje 7 aktivnosti, 14 pokazatelja realizacije aktivnosti i 8 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 82% a pokazatelja izlaznog rezultata – uticaja 67%.

6. MJERA: Obezbijediti punu implementaciju novih smjernica VSTV-a BiH za objavljivanje sudskih i tužilačkih odluka, akata i informacija o predmetima.

uključuje 4 aktivnosti, 11 pokazatelja realizacije aktivnosti i 4 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 75% a pokazatelja izlaznog rezultata – uticaja 25%.

7. MJERA: U postupku imenovanja izraditi pravila za utvrđivanje užeg izbora kandidata koji se pozivaju na razgovor.

uključuje 3 aktivnosti, 5 pokazatelja realizacije aktivnosti i 1 pokazatelj izlaznog rezultata – uticaja.
Nivo ispunjenosti pokazatelja realizacije aktivnosti je 17% a pokazatelja izlaznog rezultata – uticaja 0% s tim da će vrijednost ovog pokazatelja moći biti iskazana u narednom periodu.

8. MJERA: Unaprijediti obrazloženje odluke o imenovanju tako da bude zasnovano na objektivnim kriterijima koji se dosljedno primjenjuju.

uključuje 2 aktivnosti, 3 pokazatelja realizacije aktivnosti i 2 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 100% a pokazatelja izlaznog rezultata – uticaja 50%.

9. MJERA: Usvojiti nove kriterije za ocjenjivanje nosilaca pravosudnih funkcija u sudovima i tužilaštvima u BiH zasnovane na kvalitetu u skladu s evropskim standardima.

uključuje 3 aktivnosti, 9 pokazatelja realizacije aktivnosti i 3 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 67% a pokazatelja izlaznog rezultata – uticaja 33%.

10. MJERA: Kreirati bazu disciplinskih odluka u kojoj će sve disciplinske odluke biti lako dostupne i pretražive, kako bi se članovima disciplinskih komisija olakšalo pretraživanje sličnih slučajeva i donošenje odluka.

uključuje 4 aktivnosti, 4 pokazatelja realizacije aktivnosti i 2 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 25% a pokazatelja izlaznog rezultata – uticaja 0% s tim da će vrijednost ovog pokazatelja moći biti iskazana u narednom periodu.

11. MJERA: Javnosti stavljati na uvid informacije o disciplinskim ročištima, disciplinskim odlukama u pravosnažno okončanim disciplinskim postupcima, uključujući i one o odbacivanju ili odbijanju disciplinskih tužbi, i relevantne statističke podatke.

uključuje 7 aktivnosti, 11 pokazatelja realizacije aktivnosti i 7 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 100% a pokazatelja izlaznog rezultata – uticaja 57%.

12. MJERA: Uspostaviti djelotvoran sistem provjere izvještaja o imovini i interesima sudija, tužilaca i članova VSTV-a BiH, s ciljem osiguranja integriteta, transparentnosti i povjerenja javnosti u pravosudni sistem.

uključuje 10 aktivnosti, 17 pokazatelja realizacije aktivnosti i 10 pokazatelja izlaznog rezultata – uticaja.
Nivo ispunjenosti pokazatelja realizacije aktivnosti je 73% a pokazatelja izlaznog rezultata – uticaja 44%.

13. MJERA: Pružati institucionalnu podršku aktivnostima tužilaštava u osiguranju odgovarajućeg procesuiranja predmeta prijetnji i upotrebe nasilja nad novinarima i medijskim radnicima kroz jačanje mehanizama tužioca za medije.

uključuje 3 aktivnosti, 5 pokazatelja realizacije aktivnosti i 4 pokazatelja izlaznog rezultata – uticaja.
Nivo ispunjenosti oba pokazatelja je 100%,

Detaljne informacije su sadržane u pratećem dokumentu.

